



Sr. Guðni Már



Sr. Dís



Sr. Guðmundur Karl

Komið þið sæl!

Með þessum bæklingi viljum við boða til fundar foreldra og forráðamanna fermingarargangs 2024 í **Lindakirkju fimmtudaginn 4. maí kl. 18.** Í kjölfar fundarins hefst svo skráning fermingarbarna á www.lindakirkja.is – fermingar – skráning, eða kl. 19 sama dag.

*Bestu kveðjur,
Prestarnir*



Hvað erum við að gera?

Upplýst trú, gagnvirk fræðsla

Markmið okkar með fermingarfræðslunni í Lindakirkju er að veita góða kennslu um kristna trú, svo fermingarbörnin taki upplýsta og heiðarlega ákvörðun um að gera Jesú Krist að leiðtoga og fyrirmynd lífsins. Við tökum spurningum fagnandi, viljum að börnin velti hlutum upp á sínum forsendum og leitumst við að gera tilvistarspurningarnar áhugaverðar og skemmtilegar. Virðing er borin fyrir öllum skoðunum og ólíkum sjónarhornum. Talsvert verður notast við tölvutæknina í fræðslunni auk skemmtilegra verkefna af ýmsum toga.

Kennslustundir og helgistundir

Við leitumst við að virkja fermingarbörnin á ýmsum sviðum í fræðslunni, til dæmis í söng og óskum eftir að heyra um ef einhver þeirra spila á hljóðfæri. Í fræðslunni kallast á hefðbundnar kennslustundir og helgistundir, þar sem áhersla er lögð á að kenna biblíusögur, biðja og syngja. Einnig verða unnin skemmtileg hópaverkefni.

Fjölbreytt kirkjustarf

Fermingarbörn í Lindakirkju og fjölskyldur þeirra eru ávallt velkomin í guðspjónustu. Messað á sunnudagskvöldum kl. 20:00. Æskulýðsstarfið er líflegt og þar er margt brallað. Auk þess er Unglingagospelkór Lindakirkju mjög öflugur og hvetjum við fermingarbörnin sérstaklega til að taka þátt í honum.

Hjálparstarf

Í fermingarfræðslu Lindakirkju tökum við þátt í söfnunarverkefni á vegum Hjálparstarfs kirkjunnar.

Ferðalag í Vatnaskóg í október

Einn af hápunktum vetrarins er fermingarnámskeið í Vatnaskógi þar sem gíst verður í tvær nætur. Mörgum fermingarbörnum hefur þótt veran þar meiriháttar upplifun, enda hefur staðurinn upp á svo ótalmargt að bjóða. Þar sem gíst verður í tvær nætur er gjaldið ögn hærra en hjá öðrum söfnuðum. Fullt verð á námskeiðinu er 24.100 kr. en fyrir börn í þjóðkirkju verður ferðin greidd niður að hluta.

Nánar um skráningu síðar.

Börn úr Vatnsenda- og Kóraskóla (Höðuvallaskóla) fara eftir skóla, þriðjudaginn 10. október til fimmtudagsins 12. október 2023. Börn úr Sala- og Lindaskóla fara eftir skóla, þriðjudaginn 17. október til fimmtudagsins 19. október 2023.

Hafið samband við Lindakirkju ef einhverjir greiðsluferðaleikar eru fyrir hendi.

Nánar um skráningu síðar



Skráning hefst

Opnað verður fyrir skráningu í fermingarfræðslu næsta vetrar á www.lindakirkja.is fermingar – skráning fimmtudaginn 4. maí kl. 19:00.

Fermingardagar vorið 2024

Laugardagur 9. mars kl. 10:30 og 13:30

Sunnudagur 10. mars kl. 13:30

Laugardagur 16. mars kl. 10:30 og 13:30

Sunnudagur 17. mars kl. 13:30

Laugardagur 23. mars kl. 10:30 og 13:30

Pálmásunnudagur

24. mars kl. 13:30



Námsefnið

Í kennslustundum notum við meðal annars námsefnið AHA! sem er byggt á hugmyndafræði og rannsóknum jákvæðrar sálfræði og er rauði þráðurinn í efninu hafður eftir orðum Jesú Krists: „Elska skaltu náungann eins og sjálfan þig“. Einnig horfum við á fræðandi þætti sem kenna grunnatriði kristinnar trúar á auðskilinn hátt sem höfðar til unglinga. Við fjöllum einnig um sorg, gleði, sjálfsmynd, þakklæti, fyrirgefningu, sköpun og umhverfisvernd. Fimm af messum vetrarins verða sérstaklega ætlaðar fermingarbörnum og fjölskyldum þeirra.

Fræðsludagar

Fermingarstarfið hefst með skemmtilegum fræðsludögum vikuna áður en skólar hefjast, eða 15.-18. ágúst. Auk fræðslustunda verður námið brotið upp með leikjum og söng. Svo fáum við góða gesti í heimsókn. Sunnudaginn 20. ágúst kl. 20 bjóðum við fermingarbörn og fjölskyldur þeirra sérstaklega velkomin í skemmtilega messu sem markar upphaf vetrarstarfsins.

Skráning

hefst kl. 19:00 fimmtudaginn 4. maí www.lindakirkja.is
- fermingar – skráning

Fermingarfræðslugjald er 29.330 krónur
Innifalið er fræðsla, kyrtilleiga, ljósmyndun á fermingardaginn o.fl.

Hafið samband við Lindakirkju ef einhverjir
greiðsluferðileikar eru fyrir hendi



Lindakirkja

Lindakirkja | Uppsölum 3 | 201 Kópavogur
Sími 544 4477
lindakirkja@lindakirkja.is
www.lindakirkja.is

VETURINN 2023-2024

Fermingar fræðsla



Lindakirkja
www.lindakirkja.is